

三因極一病證方論

十

三因極一病證方論卷之十五

瘰癧證治

夫九漏形疹皆瘰癧於項腋之間發作寒熱其根在臟腑千金所叙雖名九漏別錄方證其名更多狼漏根於肝得之憂怒鼠漏根於胃得之食鼠毒蝮蝮漏根於大腸得之食菓蜂漏根於脾得之飲流水有蜂毒蚰蝮漏根於腎得之食中有蚰蝮毒蝮蝮漏根於心得之喜怒哭泣浮蛆漏根於膽得之思慮瘰癧漏根於腎得之新沐髮轉脉漏根在小腸得之驚卧失枕此等因證文義不明未知所始若以理例較之怒根在肝鼠毒在胃食瓜果在大腸蜂水在脾姑且通俗易曉如轉脉因驚根當在膽却云在小腸浮蛆因思慮根當在脾却云在膽瘰癧因沐髮亦不當在腎名義不通似難考據又况哭泣得蝮蝮之名思慮則浮蛆之名此尤不可曉也其外更有風漏冷漏蠅漏蟻漏蝮漏蛆漏蝮漏蠍漏等名狀不一諒皆出於土俗隨象命名耳難以考據治法觀其未着於肌肉而外為膿血者從本引末可使衰去針之灸之傳之角之從其所因宣通本臟皆有成法千金又有决死生反其目視其中有赤脉從上下貫童子見壹脉壹歲死見壹脉半壹歲半死貳脉二歲死三脉三歲死赤脉不下貫童子可治雖有是說驗之病者少有是證亦難致據此往往是三陽傳諸陰經方有之若本臟發未必有是孝者知之

必懸圓 治瘰癧不以年深日近及腦後兩邊有小結連復數

箇兼勞瘵腹内有塊

右為末別用皂角二挺去皮搥碎以水三椀揉汁去滓

鯽魚 一个去腸肚并子入鞋黃一拉雞子大個砂一

錢在腹内仰安魚於炭火上燒煙尽取出以全

个去皮腦上燒更用黃明膠參文皂角二挺並燒單麻子五



本亦作則

二治字

二治法

不確重三五天

膠交

煮精羊肉肆兩爛軟入輕粉五匣男子乳汁半兩同研成膏和藥末圓如菉豆大朱砂為衣溫酒侵晨下十圓日一服至晚下肉疔瘡子若項有五箇則以五服藥取之視其所生多少以為服數既可更進數服如熱毒瘡癩未有頭腦者一服亦須消散

白花蛇散

治九漏瘰癧發於項腋之間增寒發熱或痛或癢

白花蛇

酒浸軟去皮骨焙乾秤重兩

生犀

錢半

黑牽牛

半兩半生半炒青皮半兩

右為末每服二錢膩粉半錢研勻五更糯米飲調下巳時利下惡物乃瘡之根也更候十餘日再進一服忌發風壅熱物如已成瘡一月可效用之神驗

四聖散

治療癩瘡用花蛇散取轉後須用此補之永去根本

海藻

洗

石決明

粉

羌活

瞿麥穗各等分

右為末每服二錢米湯調下日三服下清水尺為妙

蝸牛散

治療癩瘡與未潰皆可貼

蝸牛

不為多少以竹索串尾上曬乾燒存性

右為末入輕粉少許猪骨髓調用紙花量病大小貼之
一法以帶殼蝸牛七個生取肉入丁香七枚於七殼內燒存性與肉同研成膏用紙花貼之

旱蓮子圓

治少長臟氣不平憂怒驚恐諸氣抑鬱結聚癩癧

滯留項腋及外傷風寒燥濕飲食百毒結成諸漏發作寒熱遍于項腋无問久近悉主之

旱蓮子

連翹子

威靈仙

何首烏

蔓荊子

三稜

醋浸洗

赤芍藥

各壹兩

木香

貳兩大皂角參製法去皮炙炙无酥用羊脂炙

右為末糊圓梧子大建茶清下三十圓至五十圓日二服小兒量与之食後服

瘦瘤證治

夫血氣凝滯結癭瘤者雖與癰疽不同所因一也癭多着於肩項瘤則隨氣凝結此等皆年數深遠浸大浸長堅硬不可移者名曰石癭皮色不變即名肉癭筋脉露結者名筋癭赤脉交絡者名血癭隨憂愁消長者名氣癭五癭皆不可妄決破決破則膿血崩潰多致天枉瘤則有六骨瘤胸瘤肉瘤膿瘤血瘤亦不可決潰肉瘤尤不可治治則殺人唯脂瘤破而去其脂粉則愈

癭結散 治石癭氣癭勞癭土癭憂癭等證

海藻洗 龍膽 海蛤 通草 昆布洗

礬石枯 松蘿各分 麥麩肆分 半夏二

右為末酒服方寸匕日參忌鯽魚猪肉五辛生菜諸雜毒物十日知二十日愈

白膏 治一切風熱毒腫及膿氣鬱結丹石發動結為癰疽瘰

癧諸瘡腫未破即令消散九漏浸淫膿汁淋漓諸治不差者悉主之

白斂 白薇 白及 白芷 薤白各半

零陵香 防風 黃芪 甘松 藿香

定粉貳兩 黃蠟參兩 寒水石煨水飛過

右再煎滴水成珠為度磁器盛之以腦子少許糝其上煎時忌鐵器以柳枝攪

附骨疽證治

附骨疽与白虎飛尸歷節風皆相類歷節則走注不定白虎飛尸痛淺按之則便附骨疽痛深按之无益又一說白虎飛尸亦能作膿著骨而生及其腐潰碎骨出尺方愈如是則附骨疽与白虎飛尸是一病但深淺不同耳白虎飛尸又俗名

風煞然病附骨疽少有骨出者宜拔毒熱不可一向泥五香連翹漏蘆之屬當先溫腎如靈寶膏乃神藥唯在針烙淺深刺按其毒根則易愈不尔則順脉流走遍躰洪腫卒致不救

蟾蜍膏

治附骨疽久不差膿汁敗壞或骨從瘡孔出

大蝦蟆 壹枚

亂髮 壹塊

豬脂油 壹斤

右同煎二物畧尺濾去滓凝如膏貼之凡欲貼瘡須先以桑白皮烏豆煎湯淋洗拭乾以龍骨煨為粉糝瘡四邊令易收然後方用貼藥

黑神膏

治附骨疽腫熱未破已破或膿出不愈

黑色鯽魚

一個去腸肚入白

右銅石器中煮一盞水盡魚乾焦為末脂油調傳已破則乾糝少痛勿怪

赤木圓

治附骨疽膿出淋漓久久不差已破未破皆可服

赤木

壹斤米泔浸三宿取出洗淨曬乾再以大麻葉汁浸末上餘葉寸許入川椒二十粒葱白七根

煮黑油出洗淨

破故紙

川練

茯苓

船上茴香

杜茴香

白芷

桃仁 去皮尖炒

右為末煉蜜丸梧子大每服五十圓溫酒鹽湯任下

一方

用槲樹皮燒灰為末飲方寸匕

一方

用蜜陀僧為末以猪脊骨髓調傳之兼治痔漏不愈

丁腫證治

世醫謂傷寒在諸風之上癰疽冠雜病之先言此二病重大急切然方論丁腫又在癰疽之前其意謂急切甚矣但江左少見此病醫者不以為事病源既有不可不知且依千金類例具列于後既不能究其源亦不敢妄有改作一曰麻子丁肉上起頭如黍米色稍黑四邊微赤多癢忌食麻子及麻衣并入麻田中行二曰石丁皮肉相連色烏黑如黑豆甚硬刺

之不入肉陰陰微疼忌瓦礫磚石之屬三曰雄丁炮頭黑鷹
四畔仰瘡炮漿起有水出色黃大如錢孔忌房事四曰雌丁
瘡頭稍黃向裏鷹赤似灸瘡四畔炮漿起如錢孔心凹色赤
忌房事五曰火丁狀如湯火燒灼瘡頭黑鷹四邊有炮漿起
如赤粟米忌火炙爍六曰爛丁色稍黑有白斑瘡中潰潰有
膿水流瘡形大小如匙面忌沸熱食爛帛物七曰三十六
丁頭黑浮起形如黑豆四畔起大赤色今日生一明日生二
三日生三若滿三十六藥所不治俗名黑炮忌噴怒蓄積愁
恨八曰蛇眼丁瘡頭黑皮上浮生形如小豆狀似蛇眼大舛
硬忌惡眼着之并嫉妬人見及毒藥九曰鹽膚丁狀如匙面
四邊皆赤有黑粟粒起忌鹹食十曰水洗丁形如錢或如錢孔大瘡
頭白裏黑鷹汁出中硬忌飲漿水洗渡河十一曰刀鏢丁
瘡闊狹如薤葉大長一寸左側肉黑如燒爍忌刺及刀鏢切

割鐵刃所傷可以藥治十二浮澗丁瘡舛曲圓少許不合長
而狹如薤葉大內黃外黑黑處刺不痛內黃處刺之則痛十
三曰牛拘丁肉炮起指不破此十三證初發必先痒後痛先
寒後熱熱定則寒四肢沉重頭痛心驚眼花大重者嘔逆嘔
逆則難治麻子丁始末唯痒所錄忌者不得犯犯即難治浮
澗丁牛拘丁無忌縱不治亦不殺人欲知犯觸但脊強瘡痛
極甚不可忍者是犯之狀也

治十三種丁 皆以此方治之

以緋帛壹片裹藥取匝爲限亂髮雞子大攤布帛上牛
黃如梧子大反鈎棘針貳拾壹枚赤小豆柒粒爲末並
布髮上捲緋帛作團外以髮作繩十字縛之熨斗中急
火燒灰研篩細以枸杞或子或根皮枝葉隨得爲末用
枸杞末二匕緋白灰一匕共成三匕研勻分二服空腹

酒調下

蒼耳散

治一切丁腫神良方

是奇方也

蒼耳

根莖苗子但取壹色便可用

右燒為灰醋泔淀和如泥塗上乾即易之不過十度即拔根出

腸癰證治

癰疽初無定處隨其所發即命名在外則為發背發腦在內則為腸癰內癰心癰腎癰肺癰臍癰等治得其法則生失法則死外證易識內證難明不可不備述也腸癰為病身甲錯腹皮急按之濡如腫狀腹無聚積身無熱脈數此為腸內有膿久積陰冷所成也故金匱用附子溫之小腹腫痞按之痛如淋小便自調發熱身無汗復惡寒其脈遲緊者膿未成可下之當有血洪數者膿已成不可下此以內結熱所成也故金匱用大黃利之甚者腹脹大轉側聞水声或遠臍生瘡或膿從臍出或大便出膿血不治必死其如五内生瘡亦止分陰陽利而已不此外癰須依四節八事之次第也千金引官羽林婦病醫診之其脈滑數滑則為實數則為熱滑則為榮數則為衛衛數下降榮滑上升榮衛相干血為敗濁少腹痞堅小便或澁或復汗出或復惡寒膿為已成設脈遲緊即為瘀血血下即愈更內經所載有息積病比見有得之二三年遍身微腫續乃大腸與臍連日出膿遂致不救此亦腸癰之類也不可不審

蒼耳仁附子敗醬散

治脈數身无熱腹无積聚按之濡此為

腸癰

蒼耳仁

貳兩

附子

炮半兩

敗醬

壹兩

右剉散每服四錢水一盞半煎七分去滓空心服小便

高八事
不可癰
論下

利為效列本云為末每兩方寸已並同却不可也

大黃湯 治腸癰小腹腫痞按之即痛如淋小便自調時發熱自汗出復惡寒其脉遲緊者膿未成可下之當有血脉洪數者膿已成不可下

大黃半兩 牡丹皮煮 桃仁半兩去尖 瓜子分 芒消煮

右為劉散作壹服以水參盞煎取八分盞去滓入芒消再煎沸頓服不以時

善後仁湯 治腸癰腹中疝痛煩毒不安或脹滿不食小便澀婦人產後虛熱多有此病縱非癰但疑是便可服就有差互亦無害

薏苡仁兩 牡丹皮 桃仁各 瓜瓣仁肆兩

右為劉散每服四大錢水一盞半煎七分去滓不以時

五痔證治

經云腸癰為痔如大澤中有小山突出為痔人於九竅中凡有小肉突出者皆曰痔不特於肛門邊生亦有鼻痔眼痔牙痔等肛門中證狀不一方書分出五種曰牡曰牝曰脉曰腸曰氣牡痔者肛邊腫痛突出一枚五六日後潰出膿血自愈牝痔者肛邊發癰數个如鼠乳狀脉痔者无頭脉中透小竅注下清血腸痔者生在腸內更衣時非接搦不入氣痔者遇憂怒則發肛門腫疼氣散則愈治之之法切勿用生砒毒氣入腹反至奄忽近見貴人遭此痛不忍言因書以戒後季

五疔 治五痔不問內外牡牝寒溫勞濕悉主之

鱉甲治牡 蝟皮治牝 猪左足懸蹄甲治腸痔

蜂房治脉痔 蛇蛻治氣痔

右燒存性隨證倍一分為末并花水調二錢空心臨卧時服

洗法

蝟皮方參指大切

熏黃藥大研

熟艾雞子大

右為末用瓶器以灰實壹半如燒香法安長桶內坐其上薰之煙氣從口出為佳凡三度薰永差勿犯風冷忌雞肉毒物

洗法

海桐皮剉

蛇床子各壹兩

香南藤剉葱白切各參兩

右用水壹斗入藥伍兩煎減半去滓候溫着手輕輕洗以絹拭乾一法止用槐白皮煎湯淋漆最佳

貼藥

蜀葵子半兩

蟬蛻伍箇

檳榔壹箇並為末

右用棗三枚取肉研細搜和藥末如膏硬滴必密研成膏量大小貼於病處

辯腸風論

極有理可看

夫有五痔人奏圍則下血或點滴或併箭或清或濁面黃唇白心忪脚弱頭目眩暈此因飽食坐久腸癖所為亦有飲酒房室過度所致世醫多指此為腸風臟毒然腸風臟毒自屬滯下門藏毒即是藏中積毒腸風即是邪入藏純下清血謂之風利今五痔下血乃是酒痔脈痔其血自肛門邊別有一竅如針孔大滴淋而下與溲物不共道不可不知

烏連湯

治脈痔下血不止量冷熱加減法

黃連去鬚

烏頭炮去皮尖各等分

右為剉散每服貳錢水壹盞半煎柒分去滓空心服熱則加黃連冷加烏頭

酒連圓

治酒痔下血伏暑久治不效

黃連

不以多少去鬚酒浸銀器中重湯煮乾出曬乾酒煮七次止

痔

痔

痔

痔

痔

痔

全上

右為末以餘酒為丸如梧子大每服伍十九米湯下

加味四君子湯

治五痔下血面色萎黃心忪耳鳴脚弱氣乏口淡食不知味

人參 茯苓 白朮 甘草 黃芪

白扁豆 蒸各等分

右為末每服二錢匕湯點服此方人未之信服者頗效

所謂看不上手面自有奇功李汝仲云

荆芥散 治脉痔下血

荆芥穗 槐花 炒焦各壹兩 石菖蒲 壹兩

右為末米飲調下二錢食前服日二服

白玉丹

治久年腸痔下血服百藥不效者

疑水石 不以多少研細入假為中服 右糯米糊丸如梧子大陳米飲下五十九只一服愈

又方 單服白梅亦效

瘡瘍證治

瘡疥雖不至害人浸淫不已亦有數年不愈者多因心腎不寧傷神失志或飲食不節積滯腸胃致氣血凝留發於肌肉皮膜之間色目極異所謂馬疥惡露反花爛瘡種狀不同或痒或痛汁水淋漓愈而復發諸治不差要當調養心腎去腸間苑莖理無不愈

升麻和氣飲

治瘡疥發於四肢臂體痛痒不常甚致增寒發熱攻刺疼痛浸淫浮腫及癩風入臟陰下濕痒耳鳴眼痛者

蒼朮 式兩米泔浸三宿 桔梗 升麻 乾葛 各壹兩 陳皮 六錢

甘草 芍藥 各三分 半夏 湯七次 當歸 白芷

茯苓 錢各式 枳殼 厚朴 炒 乾姜 各半 大黃 兩

右為散每服四大錢水一盞半薑三片燈心十五莖

引本初散原
乾姜各半
枳殼
枳殼
枳殼
枳殼

生且野夏
升別老小瘡
爛

延先紫府八
公元
別本有字字
事亦結集
十二卷方全

全上

銀

煎七分去滓食前服

治風毒入胃及心腎經絡攻注百節疼痛頭目虛腫
痰涎不利下注腰脚緩弱生瘡婦人血風男子癩風及風
濕脚氣攻注皮膚瘙癢癩瘡偏正頭風

川烏頭

洗淨天麻
裂去皮尖

草烏頭

水浸冬日晒
去皮各日曬

荆芥穗

半斤

乾薄荷

五

杜當歸

水浸冬日晒
乾壹斤切

右為末醋糊丸梧子大茶清下三十圓此方与癩瘡門
加味烏荆丸相類但此方入草烏并過製不同尔

癩瘡藥

羊蹄根

註切姜
分

礬

硫黃

草烏頭

右以米泔渣壹宿研極細入醋醋和勻入浴時抓破瘡
傳之遲頃以温湯洗去絕妙

治一切惡瘡不問乾濕痛痒日近年深百藥不差

羊屎

不拘
多少

右一味上下以瓦盛蓋柴木燒令煙尽末之麻油調得
痒者入輕粉少許痛者入麝香少許神効

法

用杏仁輕粉最殺虫

癩風證治

男子精血不調外為風冷所襲致陰下濕痒搔之不已流注
于脚悉生瘡瘍名曰癩風世謂腎臟風者乃認癩為腎也癩
屬宗筋系於肝胃陽明養之陽明主肌肉循經流入四肢故
使四肢生瘡正謂之癩風非腎藏風也

法

治癩風上攻下注耳鳴目痒鼻赤齒浮或作口瘡下

注陰濕四肢搔癢遍身生瘡及婦人血風

白附子

沙苑蒺藜

黃芪

羌活

右為末每服二錢鹽酒調下有人將猪腎破開入鹽糝

藥於其間煨服亦佳癩屬宗筋胃陽明養之故有是證
烏頭散治元臟氣虛癩風入胃上攻頭疼眼赤眵淚昏
溢口乾咽燥下注四肢疼痛節重着陰下濕痒足脛腰
膝遍生瘡瘍及風水浮腫

川烏頭

許淨大者破開小者全用

蒼朮

吳茱萸

各四兩

京三稜

半兩

白鹽

拾式兩用水煮四味候烏頭透控乾洗以盡

右為末米糊丸梧子大每服五十九空腹温酒鹽湯任
下凡水病必忌鹽此藥用鹽無所忌也一名正元丹

升麻和氣散

治如前

方見瘡口頭門

天麻散

治如前

方見瘡口頭門

解證治

凡癩種類亦多所謂苦癩尾癩荷葉癩雖以皮膚氣血凝滯
所為或有風濕搏成者或為人傳染得之者種狀不同治之
各有方

昨葉荷草散

治一切癩無問風濕氣血与夫相染而生者

昨葉荷草

剉碎去兩

枯礬

青錢

雄黃

半錢

右為末以羊蹄菜根先蘸醋搗癩上令痒破即以藥末
乘濕塗傳不過三兩次即愈

妬精瘡證治

夫邏慾人多患妬精瘡者以婦人陰中先有宿精男子与之
交接虛熱即成初發在陰頭如粟拂之則痛甚矣兩日出清
膿作曰孔蝕之大痛婦人亦有此病生在玉門内正似疳蝕
瘡不痛為異耳

麝香散治妬精瘡

麝香

黃礬

青礬

各等分

右為末小便後傳之

治妬精瘡痒不可忍者及皮膚訶瘡手抓疽瘡

晉礬不拘多 輕粉每服入少許

右研勻搽瘡上立差如治漏瘡每挑一錢入黃藥末一錢輕粉半錢

津調散 治妬精瘡膿汁淋漓臭爛

黃連 款冬花各等分

右為末以地骨皮蛇床子煎湯洗用軟帛挹乾以津調藥傳之最忌不得用生湯洗諸瘡皆然

蒲黃散 治陰蝕瘡

蒲黃三兩 水銀兩

右研勻先以猪肉湯浸洗挹乾以藥搽之方治男女陰瘡以硫黃末傳之

大風叙論

經所載癘風者即方論中所謂大風惡疾癘是也雖名曰風未必皆因風大率多是嗜慾勞動氣血熱發汗出不避邪風冷濕使淫氣與衛氣相干致肌肉憤脹氣有所凝則肌肉不仁榮氣泣濁則肘熱不利故色敗皮膚腐潰鼻梁蘭壞千金所謂自作不仁極猥之業雖有悔言而無悔心良得其情然亦有傳染者又非自致此則不謹之故氣血相傳豈宿業緣會之所為也原其所因皆不外內外所因而成也證候多端并見諸后

大風治法

凡治大風須推其所因凡因風寒濕熱勞逸飲食與夫傳染不可混濫散寒溫風濕清熱調和氣血類然不同若例以瀉風藥治之則失其機要矣昔見一僧得病狀如白癩卒不成瘡但每旦起白皮一升許如蛇蛻醫者謂多啖炙煇所致与局

方解毒雄黃圓三四服而愈豈非得其因邪治之各有方

麻黃根

地骨皮

草烏頭各式

右為剉散研朴消二兩勻和每用藥二兩水一桶椒一合葱參十莖艾葉一兩同煎十沸入米醋一中盞打勻去滓坐溫室中且用手巾搭四肢候湯可浴即浴令汗透面上如珠流更坐室中或睡片時尤佳候汗解方着衣避風而出五日再浴如此兩上浴便服換骨丹

換骨丹

九助鱉甲去甲

海蜈蚣細剉各半兩

右以鹽泥固濟候乾火煨存二分性為末巴豆半兩去皮膜順手研青州棗七個去核入巴豆膏在棗中火燒令焦存巴豆五分性將棗巴豆爛研如泥入前一味末同研勻以醋煮糊為丸如棗豆大每服七丸虛者四五圓用溫薑汁下候利惡物如膿血爛魚腸即住即此三兩服未利更加一二九次服遇仙丹

遇仙丹

人參

紫參各壹兩

苦參

白殭蚕去此兩各

右為末白麵糊圓梧子大每服三十九溫鹽湯吞下食前日二次服踈風散

踈風散

山梔子仁壹兩半

大黃

白滑石

熟地黃

懸豆各壹兩

右為末入朴消半兩令勻每服一錢食後淡茶清調下次以佛手膏去瘡

佛手膏

去黑紫瘡核一壹畫上黑紫瘡核

班猫七個去翅足

巴豆七粒去皮

杏仁去七粒去皮

紅娘子去七個去翅足

此本此方有
八十五而失七

六

去毒丹
 砒霜壹錢 益硝壹錢 黃蠟半兩 韶粉半兩
 瀝青各半兩 硫黃 黃丹各壹錢 膩粉錢十
 菜豆壹合 槐角叁條 麻油四兩 亂髮雞子大
 右用油煎令髮花次下紅娘子次下巴豆槐角等逐味
 下焦者瀝出方下硫黃益硝及丹粉等以篋子不住手
 攪令勻滴水成珠為度用時先將針輕手刺瘡核用藥
 一粟米大放針處次日擠瘡有黑臭膿血出三兩日血
 漸少次服去毒丹

甘草散
 赤芍藥 甘草 滑石各半兩 巴豆去皮炒別
 黑牽牛壹兩半 朴消一兩 大黃壹分
 右為末麪糊丸菜豆大臨卧時服十五丸金銀鹽可湯
 下加至二十九次服甘草散

解毒丸
 甘草 滑石各半兩 山豆根壹兩 大黃壹分
 右為末每服一錢蜜熟水調下日二服次服解毒丸

福神丹
 芩薤根叁兩 甘草半兩 大黃壹分 朴消壹分
 右為末麪糊丸如菜豆大每服二十九至三十九白湯
 下次服福神丹

水膏藥
 訶子四個 巴戟炒 黑牽牛生各半兩 甘遂叁錢
 赤小豆四十九粒
 右為末麪糊丸如菜豆大每服十九至十五九薄荷湯
 下次用水膏藥

傳貼破處及面脚上瘡令生肉

九

八

七

十

陳皮

去明上半

陳麥米

炒紫

藿香

馬蹄香

各壹兩

麝香

別研

右同為末入麝香用冷水調掃傳瘡上有膿如損破即煎槐枝湯洗再上藥此十方乃倪處士秘傳曾用有驗大要病人須能如法將息理會敬而信之

通天再活散

治大風惡疾

鬱金丹

生

大黃

三兩

白牽牛

六錢

皂角刺

生黑大者

右為末每服伍錢日未出面東以無灰酒下盡量為度晚利黑頭小虫病稍輕者止利如魚腸臭穢物忌毒半月但食稠粥軟飯漸生眉毛皮膚如常甚者不過三兩次須將理不可妄有勞動及終身不得食牛馬驢驘等肉犯者死不救

三濟膏

治如前

當歸

熟地黄

川芎

荆芥穗

各二兩

防風

細辛

各壹兩

挂心

壹分

右為劉散先以醋一升浸一宿漉出焙乾并以生地黄壹斤搗汁浸一宿焙乾酒一升浸一宿焙乾旋入乳香半兩以餘酒醋地黄汁釋蒸餅為丸如梧子大用好川烏頭一个炮裂剉荆芥穗半兩浸酒三升旋溫下藥五十圓

八葉湯

淋漆大風瘡

桑葉

荷葉

地黄葉

皂角葉

薊葉

蒼耳葉

菖蒲葉

何首烏葉

右等分曬乾燒存性為末如面藥洗手面身躰

料簡

大風惡疾瘡瘻荼毒膿汁淋滴眉鬚鬚落手足指脫頑痺痛

瘁顏色枯瘁鼻塌眼爛齒豁唇揭病證之惡无越於斯負此病者百无一生猶且愛戀妻孥復着名利不仁之行仍欲更作死而无悔深可悲傷凡遇此疾切須斷葢及一切口味公私世務悉宜屏置能不交俗事絕慶弔幽隱林下依法治療非但愈疾亦能因是而至神仙所謂因禍而得福也

三因極一病證方論卷之十五

三因極一病證方論卷之十六

斑瘡證治

慎

夫斑瘡病內經與張仲景皆不載尋撫方論蓋自魏朝方有以白頭赤根者俗呼為斑丘即斑瘡也細粟如麻者俗呼為麻即膚疹也又有大者俗呼為羊為萍此皆輕重之不一故命名異耳百問云慎不得轉利以瘡疹發於表利之則毒氣入裏龐安常云身疼壯熱須少解散藏閉毒攻非利不愈必令汗下初虞世亦云瘡疹發於肌肉屬陽明古人治法皆以承氣湯利之諸說矛盾不無疑誤今皆存之要當分其未發已發為治若其始發必作寒熱如傷寒狀方證所載耳冷尻冷咳嗽者皆瘡疹證又小兒初得手足搐搦如風癩者亦瘡疹候便可與宣熱按毒必須利之千金治斑丘瘡初發欲發者單煮大黃服之即明文也若其已發只須解肌用升麻紫草輩是也如是分之諸說自泮又此病多因傷寒失於汗下或時氣勝復歲主客氣及天行疫病長幼相染者當隨因辨證治之其間唯倒靨最危宜早為治

豆豉子

治天行豆瘡但竟有此證預服則不發

赤小豆

黑豆

菘豆各壹升

甘草半兩

右淨淘豆入甘草以水煮熟逐日空心任性食豆飲汁七日瘡自不發

升麻湯

治大人小兒傷風寒溫疫頭痛寒熱身疼斑瘡已發未發並可服

升麻

乾葛

甘草各一分

芍藥各等分

右為剉散每服秤五錢重水二盞煎七分去滓熱服小兒量與一法加紫草茸煎

鼠粘子散

治傷寒斑瘡毒氣咽隔不利聲不出疼痛

鼠粘子炒丹參

升麻

甘草炙

乾薄荷各等分

右爲劉散每服三錢水一盞半煎七分去滓不拘時小兒量与之

龍腦膏治斑瘡倒靨

猪心血調腦子成膏以紫草茸煎湯解開稀稠得所服無腦子用辰砂一法白蒟葉燒灰爲細末每服二錢入麝香少許沸湯調下

仙靈散治斑瘡入眼

仙靈脾

威靈仙各等分

右爲末每服二錢食後米湯調下

豆皮次治小兒因小兒因出瘡毒入眼生翳

真桑豆皮

白菊花

真穀精草

去根各等分

右爲末每服一大錢乾柿一个粟米泔一盞同煎候泔

尽只將乾柿去核日服三

丹毒叙論

經云諸痛癢瘡皆屬心心虛寒則痒心實熱則痛丹毒之病由心實熱也心生血主於脉血熱肌浮陰滯於陽即發丹毒方論有云以其色赤如丹砂塗故得丹名然又有水丹白丹五色油丹豈專以赤爲名也又有赤硫天火殃火尿竈癩竈野火等古方以爲小兒出入游行觸犯所致此因容或有之若小兒在襁褓中未能出入亦患此者是豈因觸犯耶大率皆血熱之所爲也叙例子後

丹毒證治

天火丹者肉中忽赤如丹塗之色痛痒不定甚至徧身白丹者肉中腫起痒痛如吹狀雞冠丹者亦名菜萸丹肉上粟起如雞冠水丹者徧身熱起黃色如水在皮中五色油丹者亦

名油腫赤硫丹腫熱赤色流入四肢以上皆不問大小如天
火骨火殃火尿竈朱田野火等丹多著少小但自腹内生出
四肢者則易愈自四肢生入腹者則難治

香藥皮湯治諸種丹毒發於四肢腹背頭面或赤或白或痒
或痛或寒或熱

香藥皮 壹兩

右以一大碗水同煎取半碗以翎毛刷患處神效

伏龍肝散治少小諸種丹毒

伏龍肝 不拘多少

右為末以鷄子白和傅之日三次

金花散治一切丹毒

鬱金 黃芩 甘草 山梔 大黃

黃連 糯米

右七味各壹兩生為末蜜和冷水調以鵝毛上患處

料簡

治丹毒方千金外臺甚多無出用至冷物凡至冷物无過藻
菜如有患丹毒熱腫等取渠中藻菜細切熟搗傅丹上厚三
分乾則易之最良

癰瘡證治

世醫論癰瘡無不謂是皮膚間風然既分冷熱冷熱即寒暑
之證又有因浴出溼風冷而得之者豈非溼也則知四氣備
矣經云諸痒痛瘡皆屬於心心實熱則痛虛寒則痒又陽明
主肌肉屬胃與大腸亦有冷熱分痛痒不可不審世人呼白
者為婆膜赤者為血風名義混殺當以理曉內則察其臟腑
虛實外則分其寒暑風溼隨證調之無不愈

加味老名散治風寒暑濕外搏肌膚發為癰瘡增寒發熱遍

身擦痒隨臙氣虛實或赤或白心迷悶乱口苦咽乾

羌活

前胡各壹兩

人參

桔梗

甘草炙

枳殼麸炒

川芎

天麻

茯苓各半兩

蟬蛻去頭

薄荷各叁錢

右為末每服二大錢水一盞姜三片煎七分不以時服

烏頭丸治癰癤上攻頭面赤腫搔痒搔之皮便脫落作

瘡作痒或痛淫液走注有如虫行

川烏湯洗浸叁伍次去皮尖焙乾

荆芥穗各半兩

杜當歸水浸叁日洗乾

薄荷伍兩

右為細末好醋煮米粉糊為丸梧子大每服五十九温

酒茶清下

雞木湯治因浴出淩風冷遍身癢癢搔之隨手腫突及眩暈

嘔噦

白朮壹兩

神麴貳兩

甘草壹分

右為末每服二錢米飲調下一方以土朱研炒冷酒調

下二錢不飲以茶調之

傳藥

景天壹斤細擣取汁傳上熱炙手摩之再三度差

胡臭漏腋證治

胡臭与漏腋雖不害人性命而害人身奉親事君乃至交遊皆非所宜修身之士務為清潔者或得此患不可不思有以去之夫胡臭者多因勞逸汗漬以手摸而嗅之致清氣道中受此宿穢故傳而為病方論有天生臭之說恐未必皆然多見為人相染者蓋其氣吸上元宮遂散百脉多相沾染忌之為得漏腋者亦由腋下挾汗致汚衣數重皆透然未必臭以二證致之其病自別古方共作一病未為至論

米作為致

以奉先帝

同上

改

知味散 治胡臭熏人不可嚮逆者

大蜘蛛壹个以黃泥入少赤石脂搗羅極細入鹽少許拌煉
右一味研細臨卧入輕粉一字用醞醋調成膏傅腋下
明早登廁必瀉下黑汁臭穢不可聞於遠僻處傾弃埋
之免致染人神良

六物散 治漏腋腋下足心手掌陰下股裏常如汗濕汚衣者

乾枸杞根 乾薔薇根 甘草各半 胡粉
商陸根 滑石各壹分
右治下篩以苦酒少許和塗當微汗出易衣更塗之不
過三著便愈或一歲後發又塗之

頭痛證治

頭者諸陽之會上丹產于泥丸宮百神所會凡頭痛者乃足
太陽受病上連風府眉角而痛者皆可藥愈或上穿風府陷
入于泥丸宮而痛者是為真頭疼不可以藥愈夕發且死旦
發夕死責在根氣先絕也原其所因有中風寒暑濕而疼者
有氣血食飲厥而疼者有五臟氣鬱厥而疼者治之之法當
先審其三因三因既明則所施無不切中

言平湯 治傷風寒生冷及氣虛痰厥頭疼如破兼眩暈欲倒
嘔吐不定

附子生去皮臍 烏頭生去皮尖 天南星 乾薑
甘草炙 川芎 細辛各等分
右為劉散每服四大錢水二盞姜五片茶芽少許煎七
分去滓食後

藿香散 治傷風挾涎飲上厥頭疼偏正夾腦諸風

藿香半兩 川烏頭湯浸半日去
乳香炙皂角 草烏頭炮製去皮

本草

本草

金

本草

如生定方

右為末每服一字薄荷茶清調下食後服

薄荷散 治傷寒發熱頭疼腦痛

石膏

甘草生

麻黃去湯

右為末每服二錢水一小盞茶半錢葱白三寸碎擘煎三五沸先嚼葱白細嚥下去枕仰卧如發熱再投一服出汗立愈

玉屑散 治傷寒發熱涎潮上厥伏留陽經頭疼眩暈不可忍

石膏煨

右研細每服葱白點茶調下二錢小兒量大小加減与之

白木湯 治着濕頭重眩暈苦極不知食味暖肌補中益精氣

川芎半兩

白木半兩

附子生去皮

甘草生

桂心壹分

右為剉散每服四大錢水二盞姜七片棗一个煎七分去滓食前服

救生散 治外傷風冷內積憂思氣鬱聚涎隨氣上厥伏留陽

經頭疼壯熱眩暈或曾膈寒痞兼服寬中圓并攻之

菊花蒂

川芎

石膏煨

甘草壹分

右日乾為末每服三錢煎葱湯調下如覺曾痞即調此下寬中圓不計時服

寬中圓 治氣滯不快飲食不消曾噉痞塞凝痰聚飲狀如傷

寒頭疼曾痞

大附子炮去

木香炮

青皮

大黃濕紙裹

右為末醋煮糊圓梧子大每服十圓姜湯下頭疼甚則調救生散送下

天南星圓 治腎厥頭疼不可忍

硫黃

石膏

天南星炮

焰硝各等

右為末糊丸如梧子大每服三十圓空心食前溫酒下

羊仙傳

流朱丹 治腎厥及痰厥頭疼諸藥不效

硫黃

川烏頭炮去皮

朱砂水飛

天南星

炮製

右為末薑汁煮糊圓梧子大每服十五圓生薑薄荷湯下

胡蘆巴散 治氣攻頭痛如破者

胡蘆巴炒

三稜

炮製 乾薑炮

右為末每服二錢生薑湯或酒調下

雄黃圓 治八般頭風及眩暈惡心吐逆諸藥不治

通明雄黃壹兩

川烏頭生去皮尖

右二味為末滴水圓如梧子大每服十九煨葱白茶清

下即用後藥搐鼻

精製藥

葶藶

良薑各壹分

白芷壹錢

細辛半錢

右為末每服一小字先含水一口分搐鼻內吐水即止

大附圓 治元氣虛壅上攻偏正頭疼不可忍

大附子炮去皮

右為末葱汁糊圓黍豆大每服十圓至十五圓茶清下

一法以川烏頭炮去皮尖為末用韭葉自然汁和圓治

風虛痰涎頭疼

如聖餅子

治氣厥上盛下虛痰飲風寒伏留陽經偏正頭

疼痛連腦顛吐逆惡心目瞶耳聾常服清頭目消風痰氣

川烏頭生去 天南星

乾薑各壹兩 甘草

川芎各貳兩 天麻

防風

半夏洗去滑

右為末湯浸蒸餅和丸雞頭大捻作餅子曬乾每服五

餅同荆芥三五穗細嚼茶酒任下熟水亦得不拘時候

眼叙論

夫眼者五臟之精明一生之至寶如天之有日月其可不保

護之然骨之精為瞳子屬腎筋之精為黑眼屬肝血之精為絡果屬心氣之精為白眼屬肺肉之精為約束屬脾契筋骨血氣之精與脈并為系系上屬於腦後出於項中故六淫外傷五臟內鬱飲食房室遠視悲泣抄寫雕鏤刺繡博奕不避煙塵刺血發汗皆能病目故方論有五輪八廓內外障等各不同尤當分其所因及臟腑陰陽不可混濫如日決其面者為兇皆屬少陽近鼻上為外皆屬太陽下為內皆屬陽明赤脈從上下者太陽病從下上陽明病從外走內者少陽病此三陽病不可混也睛色赤病在心色白病在肺色青病在肝色黑病在腎色黃病在脾色不可名者病在胃中此五臟三陽病不可混也仍叙三因于后

三因證治

病者喜怒不節憂思兼并致臟氣不平鬱而生涎隨氣上厥逢腦之虛侵淫眼系陰注於目輕則昏澁重則障翳眵淚努肉白膜漫睛皆內所因或數冒風寒不避暑濕邪中於項乘虛循系以入於腦故生外翳醫論中所謂青風綠風紫風黑風赤風白風白翳黃翳等隨八風所中變生諸證皆外所因或嗜慾不節飲酒無時生食五辛熱啖炙博馳騁田獵冒涉煙塵勞動外精喪明之本所謂恣一時之游佚為百歲之固愆皆不內外因治之各有方

千金神效

明目百歲可讀細書常服益眼力

袖麵 津兩

磁石

光明砂

右為末煉蜜為丸梧子大米飲服五丸食前日三服不

羌活散

治風毒氣上攻眼目昏澁翳膜生瘡及偏正頭疼目

小黒花累累者

羌活

川芎

天麻

旋覆花

青皮

天南星炮

葉本各壹兩

右為末每服二錢水一盞薑三片薄荷葉煎七分食後服一法入牽牛末貳兩以生薑汁煮糊圓如梧子大酒任下二三十圓

白雲散

治腎臟風毒上攻眼目赤腫熱淚昏澁努肉攀睛

白蒺藜炒去

防風

甘草生

疆蚕去絲角各

南星壹兩半黑豆貳合青蘆半兩

水黃連取出焙研不用鹽豆

甘菊花生

各二兩

右為末每服二錢煎甘草湯下食後服已交燂

治肝散

治肝熱赤脉貫精澁痛衝風淚下兼治熱血攻心

白蒺藜壹兩

防風

羌活各半

馬牙硝兩

甘草壹分

右為末每服二錢白湯調下食後服

椒紅圓

明目暖水臟補虛方久服駐顏縮小便

川椒取紅

巴戟去心

金鈴子炒

茴香炒

附子炮去皮

各壹兩

右為末山藥參兩為末酒煮糊搜為圓梧子大空心鹽

湯下三五十九

養肝散

治眼赤有耳痒證則用四生散入羊子肝煮甚妙

四生散

方見癰風門 每服四錢匕鹽酒入羊子肝煮空心溫

服羊子肝即羊肝

驅風散

治風毒上攻眼腫痒澁痛不可忍或上下臉眦赤爛

醫肉侵睛

五倍子壹兩去

蔓荊子壹兩

半洗

右為劉散每服三錢水二盞銅石器內煎及一盞澄清

熱洗留滓二服再煎

立勝散

治風毒攻眼及時眼隱澁羞明腫痛

黃連

黃檗

秦皮去麋

甘草等分

右為剉散每服四錢水一盞棗一枚燈心七莖煎數沸
去滓以新羊毫筆蘸刷眼候溫即用手沃之（一法不用
黃檗甘草有黃芩防風

神仙照水膏治瘡翳

蠟壹兩

黃丹壹兩

水飛

蛇蛻壹分

燭燒

水銀壹錢

初生烏雞殼壹箇

右用柳木槌研細滴蠟為餅臨卧用之候天明將水照
眼藥墮水中膜尽去

藥竹煙膏治一切赤眼障翳

慈竹壹段頭去兩節

黃檗去蘗皮刮細

首蒲真竹內

右用磚對立置竹磚上兩頭各安洋挑以乾竹火燒令
漚出尽收之以釵股銅筋點

通刺膏治眼赤澁翳膜遮障時多熱淚

杏仁貳拾壹箇口

去皮尖火燻細

乳香皂子

輕粉壹字

右旋入口中都嚼候津液滿口吐出堯器中置火上令
四邊沸以綿濾別盞中入生腦子如皂子大研勻再濾過
以銅筋點之

通神膏治眼生翳膜赤脉努出澁痒疼痛有淚

沙蜜肆兩

青鹽

麝香各壹字

乳香

硃砂滴淋

枯礬各半

當歸半錢

黃連壹錢

右件乳鉢內研破同蜜入青竹筒內密封閣定煮半日
厚綿濾過點眼

蛤粉圓治雀目不拘久近但日落便不見物

上色蛤粉細研

黃蠟等分

右鎔蠟搜粉為丸如棗大每用猪肝一片二兩許批開
裹藥一九麻線纏瓷器內水一椀煮熟取出乘熱熏眼

至温喫肝以知為度

鼻病證治

肺為五臟華蓋百脉取氣於肺鼻為肺之閫闔吸引五臭衛
養五臟升降陰陽故鼻為清氣道或七情內鬱六淫外傷飲
食勞佚致清濁不分隨氣壅塞遂為清涕鼻洞濁膿腦絲衄
血息肉久而為齶雖種種不同未始不涉三因有致泥丸汨
乱變生諸證

羊肺散 治肺虛壅鼻生息肉不聞香臭

羊肺 壹具洗

白朮 肆兩

茯苓

木通

乾薑

川芎 各貳兩為細末

右以水量打稀稠得所灌肺中煮熟細研焙乾為末食
後米飲服一二錢

細辛膏 治鼻塞腦冷清涕出不已

細辛

川椒

乾薑

川芎

吳茱萸

附子 去皮臍各參分

皂角 兩

桂心 壹兩

豬脂 陸兩

右煎豬脂成油先一宿以苦酒浸前八味取入油煎附
子黃色止以綿惹塞鼻孔不以時

通草散 治鼻齶氣息不通不聞香臭并有息肉

木通

細辛

附子 炮去皮臍各等分

右為末蜜和綿裹少許內鼻中

(一法)以苧蒂為末綿裹內鼻中或吹入亦可

(一法)以枯礬研為面脂和綿裹少許內鼻中數日息肉
與藥消落

粉黃膏 治肺熱鼻發赤瘰俗謂酒鼓

硫黃 壹分為末

蘿蔔 切去蓋刺作瓮子入硫黃在內以竹針蓋定正安礬火煨壹宿取出研細

輕粉

烏頭尖 各少許為末

右研勻以面油調卧時傳早晚洗去以酥調尤佳
(一法)用乳香硫黃細辛輕粉等分為末水調傳
(一法)梔子為末蟾丸小彈子大茶酒任下一丸
凡鼻頭微白者亡血也赤者血熱也酒客多有之若時行衄
血不宜斷之或出至一二升不已即以龍骨為末吹入凡九
竅出血皆用此法甚良餘衄方見失血門

唇病證治

唇者脾之候也意舍之所榮燥則乾熱則裂風則瞶動寒則
揭氣鬱則生瘡血枯則瀰而无色治之之法內則隨證調其
脾外當以藥傳之

清脾湯治意思過度蘊熱於脾口乾唇燥瀰裂無色

黃芪 香白芷 升麻 人參 甘草炙 半夏易去滑
右為剉散每服四錢水一盞半姜五片棗二个小麥三

十粒煎七分去滓不以時服

羌活散治風濕入脾致唇口瞶動翳揭頭疼目眩及四肢浮
腫如風水狀

羌活各二兩 茯苓 薏苡仁各壹
右為末每服二錢水一大盞煎七分入淡竹瀝壹匙許
再煎服

續命散治脾肺氣虛憂思過度榮衛枯耗唇裂瀰緊或口吻
生瘡容色枯頹男子失精女子血衰悉主之

甘菊花 枸杞子 肉蓯蓉酒浸切 巴戟去心各
右為末蜜丸梧子大每服三五十九米湯下

青皮散治唇緊燥裂生瘡面無顏色

青布燒灰
右研細以猪脂調夜傳睡(一法)以頭垢傳之

凡潰唇緊唇上生瘡唇裂並以甲煎傳之弥効

口病證治

事證錄集
十七天之二

夫口乃一身之都門出入榮養之要道節宣微爽病必生焉故熱則苦寒則鹹宿食則酸煩燥則澀虛則淡疽則甘五味入口藏於胃脾行其精華分布津液於五臟臟氣偏勝味必偏應於口或勞鬱則口臭凝滯則生瘡不可失睡失眠則生龍石散治上疳壅毒口舌生瘡咽嗑腫痛以少許搽患處

寒水石

辰砂 別研

生腦子

右為末日夜數次用小兒瘡癩攻口先以五福化毒丹

掃却用此藥搽立効

赴蓮散

治口瘡疼痛

五倍子

蜜塗炙

滑石

右研細末每服半錢許搽患處燕津不妨便可飲食

綠雲膏

治口瘡臭氣痰爛久而不差

黃蘗

半兩 螺青 貳錢

右研細臨卧置一字在舌下不妨燕津逢明差

一法以銅綠易螺青

兼金散

治蘊毒上攻或下虛邪熱病口生瘡

細辛

黃連

右為末先以熟水搵帛指淨搽藥患處良久涎出吐之

杏粉膏

治口瘡以涼藥傳之不愈者

杏仁

拾粒去 輕粉 壹字

右研杏仁細調勻臨卧傳瘡上少頃吐之勿嚥

生香膏

治口氣熱臭

甜瓜子

去殼

右一味研細蜜熬少許調成膏食後含化或傳在齒間

事證錄集
方合

事證錄集
方合

事證錄集
方合

二方用香附子炒去毛為末每早晚搽少許牙上
齒病證治

齒為關門腎之榮骨之餘也腎衰則齒豁精固則齒堅又大腸支脈在牙斷主灌注於牙大腸壅則齒為之浮大腸虛則宣露挾風則攻目頭面疳疔則齲脫為痔皆氣鬱而生諸證不同治之各有方安腎丸八味圓並治虛壅牙齒疼痛浮腫

安腎丸

方見腰疼門

八味圓

方見脚氣門

西嶽蓮華峯神傳

衛生方法言王制類死云據言得石碑

猪牙皂角及生薑

西國升麻熟地黄

木律旱蓮槐角子

細辛荷葉要相當勇荷葉心用

青鹽等分同燒燉

研細將來使最良

指齒牢牙鬚鬚黑

誰知世上有仙方

常用齒痛牢牙去風冷虫蠕宣露不問老少用之甚效

槐枝

柳枝各長半寸

皂角不種者

鹽肆拾文重不可少

右同入瓷瓶內黃泥固濟糠火燒一夜候冷取出研細用如常法有石佛庵主年七十餘云祖上多患齒疼脫落得此方效數世用之齒白齊密乃良方也

五地散

治風虫牙疼腫痒動搖牙齦潰爛宣露出血口氣等

地骨皮

香白芷

川升麻

防風

細辛

川芎

槐花

當歸

藁本

甘草各等分

右為末每用一字許指牙或大段痛即取二錢水一盞半黑豆半合生姜二片煎至一盞稍溫嗽候冷吐之殊效或用金津草散重漱亦佳

舌病證候

舌者心之官主嘗五味以榮養於身資於脾以分布津液於五臟故心之本脉係於舌根脾之絡脉係於舌傍肝脉循陰

本草後卷
十七卷之二

四

全

全

全上
如香皂方

全上

全上

器絡于舌本凡此三經或為風寒濕所中使人舌卷縮而不能言或憂怒思恐所鬱則舌腫滿而不得息心熱則破裂生瘡肝壅則出血如湧脾閉則白胎如雪諸證雖異治之各有方

非深藥調 治心脾虛熱上攻舌上生瘡舌本強頰兩邊
柴胡 升麻 芍藥 梔子仁 木通各宜
黃芩 大青 杏仁去皮尖火 石膏煨
右為散每服四大錢水一盞姜五片煎七分去滓食後服

金沸草散 治風寒傷於心脾令人憎寒發熱齒浮舌腫
荊芥穗兩 旋覆花 前胡 麻黃去蘆各
甘草炙 芍藥赤者 半夏湯洗

右為散每服四大錢水一盞半姜七片棗二个煎七分去滓嗽口吐一半喫一半世醫用此發散傷風傷寒及加杏仁五味子治咳嗽皆効獨未知治舌腫牙疼辛未年有人患舌腫如吹滿塞其中粥藥不入其勢甚危大煎一劑果熱以紙籠氣熏之遂愈又一婦人牙疼治療不差致口頰皆腫亦以此藥重漱而愈故特記之

烙腫法
凡舌腫舌下必有噤垂狀如螻蛄卧蚕有頭尾頭小白可燒鐵烙烙頭上即消

黑散子 治舌忽然腫破
釜底煤研細
右以醋調傳舌上下脫去更傳能先決出血竟傳之弥佳二法用鹽等分調

薄荷自然汁 白蜜等分
薄荷自然汁 白蜜等分

右先以生薑片蘸水揩洗竟傳之良

文蛤散 治熱壅舌上出血如泉

五倍子 洗

白膠香

牡礪粉 各等

右為末每用少許搽病處或燒鐵筆熟烙孔上

礬石散 治風濕寒舌強不能語

枯礬

桂心 各等

右為末每壹錢安舌下或用正舌散治之方見中風門

凡失欠頰車蹉但開不能合以酒飲之令大醉睡中吹藥搗其鼻嚏透即自正

咽喉病證治 咽喉

聖代脫

丁六天

夫喉以候氣咽以嚥物咽接三腕以通胃喉通五臟以系肺氣穀攸分皎然明白有為水喉穀喉之謂者謬說也千金復云喉龍候脾胃咽門喉肝膽亦非至論智者當以理推不可

強存乎人矣諸臟熱則腫寒則縮皆使喉閉風燥亦然五臟久咳則声嘶嘶者喉破也非咽門病咽腫則不能吞乾則不能嚥多因飲啖辛熱或復嘔吐咯傷致咽系乾枯之所為也與喉門自別又有懸癰暴腫閉塞喉龍亦如喉閉但懸癰在上腭俗謂鶯翁又謂之鵝聚俗語聲訛不可不備識

小續命湯 治卒喉痺不得語 方見中風門

加杏仁去皮尖七箇煎甚効

玉鑰匙 治風熱喉痺及纏喉風

焰消 壹兩

鵬砂 半兩

腦子 壹字

白殭蚕 壹分

右為末研勻以竹管吹半錢許入喉中立愈

神效散 治喉閉熱腫語聲不出

荆芥穗

別為末

草麻

生去皮別研各等分

右入生蜜少許丸如皂子大以綿裹含化急則齧化

〔法〕用朴消不用荆芥

蜜附子 治腑寒咽門閉不能嚥

大附子 生去皮臍

右切作大片蜜塗炙令黃含嚥津甘味盡更塗炙用

五寶無憂散 治纏喉風咽喉疼痛語聲不出嚥物有礙或風

涎壅滯口舌生瘡大人酒癪小兒疔癬或悞吞骨骨哽塞

不下

玄參 貫眾 滑石 縮砂仁

黃連 甘草 茯苓 山豆根

荆芥穗 各半 寒水石 煨鵬砂各參

右為末每服壹錢先抄入口以新水嚥下此藥除三尸

去八邪殺九虫辟瘟療渴

荆芥湯 治風熱肺壅咽喉腫痛語聲不出喉中如有物哽嚥

之則痛甚

荆芥穗 半兩 桔梗 貳兩 甘草 壹兩炙

右為剉散每服四錢水壹盞薑三片煎六分去滓溫服

〔法〕去荆芥穗名如聖湯

解毒雄黃圓 治纏風及急喉痺卒然倒仆失音不語或牙關

緊急不省人事或上高壅熱痰涎不利咽喉腫痛

雄黃 飛壹分 鬱金 壹分 巴豆 去皮出油

右為末醋糊圓菴豆大熱茶清下茶圓吐出頑涎立省

未吐再服如未至死心頭尚溫灌藥下喉无有不活

乾薑散 治懸癰壅熱卒暴腫大

乾薑 半夏湯洗去

右為末以少許着舌上嚥津

〔法〕用薑抹筋頭張口挂之日五六次

本草綱目卷之七

全

全

麻仁散 治穀賊尸咽咽喉中癢此因誤吞穀芒搶刺痒痛

脂麻 抄不以多少

右為末湯點服比穀賊屬咽馬喉風屬喉不可不分

馬鞭草散 治馬喉痺洪腫連頰吐氣數者

馬鞭草根

右搗自然汁每服噉壹合許（法用馬嚼鐵汁服亦妙）

凡治哽之法皆以類推如鸕鷀治魚哽磁石治針哽髮灰治髮哽狸虎治骨哽亦各隨其類也

蜜綿雞白 通治諸哽

煮雞白令半熟以線繫定手提線少嚼雞白噉之度至哽處數牽引哽即出矣

（法綿一小塊以蜜煮用如食雞法）

玉屑無憂散 治一切物硬 方見前治經喉風下

耳病證治

腎虫寄竅於耳當知耳為聽會主納五音外則宮商角徵羽內則唏噓吹咽內關五臟外合六淫故風寒暑濕使人聾聵耳鳴憂思喜怒多生內塞其如勞逸不言而喻復有出血生膿聾耳底耳或盯睛上直庚切切不出飛走投入諸證既殊治各有法

菖蒲圓 治耳卒痛及聾塞不聞聲

菖蒲

附子 炮去皮臍各等分

右為末以醋丸如杏仁大綿裹內耳中日貳易之

補腎圓 治腎虛耳聾或勞頓傷氣中風虛損腎氣升而不降

致耳內虛鳴

山茱萸

乾薑 炮

巴戟

芍藥

澤瀉

兔絲子 酒浸

遠志 去心

桂心

黃芪

石斛

東坡雜錄
卷之九金

吉水雜錄
卷之九金

金上
如本草方

醫方考

乾地黄 細辛 附子炮 當歸 牡丹皮

蛇床子 甘草 肉蓯蓉酒浸 人參各二兩 苜蓿壹兩

防風壹兩 茯苓半兩 羊腎貳枚 桑螵蛸壹兩

右為末以羊腎研細酒煮麩糊為圓如梧子大食前鹽酒任下參拾圓至伍拾圓送方

蠟彈圓治耳虛聾

白茯苓兩 山藥炒 杏仁去皮尖炒 黃蠟貳兩

右以前參味為末研勻鎔蠟為丸如彈子大鹽湯嚼下有人止以黃蠟細切嚼點好建茶送下亦效

乾蠟散治耳聾因腎虛所致十年內壹服效送方

乾蠟黃色小者并頭尾用肆拾枚 銀石器內炒至乾為細末

右向晚勿食初夜以酒調作壹服至貳更以來徐徐盡量飲五更耳中間百十攢筌響便自此聞聲

解會散治氣虛熱壅或失飢冒暑風熱上壅耳內聾閉微

痛膿血流出

赤芍藥 白芍藥各半 當歸 甘草炙

大黃炙 木鱉子去殼各壹兩

右為散每服四錢水壹盞煎七分食後臨卧服

麝香散治聾耳底耳耳內膿出

桑螵蛸壹箇煨火炙及捌分熟存性 麝香壹字別研

右為末研令勻每用半字搽耳內如有膿先用綿擦紙以藥搽之一法用染坏枯礬等分為末以葦管吹入耳中即愈或入麝香更佳

諸百虫入耳用麻油灌之即効

諸耳中出血以龍骨末吹入即止

三因極一病證方論卷之十六



送方

全上

全下

全

